

Gwers 43 – Newyddion da Iesu

Nodiadau Cefndir i'r Athro

Actau 2:1–37

Gŵyl undydd oedd y Pentecost a ddenai Iddewon o bob rhan o'r byd Iddewig. Mewn ufudd-dod i'w Harglwydd, arhosodd y disgyblion a dilynwyr eraill Iesu yn Jerwsalem ac yr oeddent yn cyfarfod mewn goruwch ystafell, o bosib' yr ystafell lle y bwytaodd Iesu wledd y Pasg gyda'i ddisgyblion cyn ei arestio a'i groeshoelio. 'Yr oedd rhain oll yn dyfalbarhau yn unfryd mewn gweddi' (Act. 1:14), rhyw gant ac ugain ohonynt. Ni fyddai'n syndod pe baent wedi troi cefn ar y ddinas oherwydd eu bod yn ofni'r awdurdodau crefyddol a fyddai'n debygol o chwilio am gefnogwyr Iesu, ond aros a wnaethant. Oherwydd bod un o'r deuddeg, Jwdas Iscariot, wedi marw penderfynwyd ethol un o'u plith i gymryd ei le a disgynnodd y coelbren ar Mathias, 'chafodd ef ei restru gyda'r un apostol ar ddeg' (Act. 1:26). Sylwer mai apostolion ydynt o hyn ymlaen; ystyr 'disgybl' yw un sy'n dilyn neu'n dysgu tra mai ystyr 'apostol' yw 'un wedi ei anfon, gyda chomisiwn arbennig y sawl a'i hanfonodd'.


Bu'r Ysbryd Glân yn weithredol cyn y Pentecost hwn. Yr oedd yn weithredol yn y Creu, '....ac ysbryd Duw yn ymsymud ar wyneb y dyfroedd' (Genesis 1:2). Disgynnodd ysbryd yr Arglwydd ar Gideon (Barn. 6:34), ac ar Dafydd (1 Sam. 16:13). Yr oedd yr Ysbryd yn amlwg ym mywyd a gweinidogaeth Iesu (Luc 4:1, 14). Yn awr, fodd bynnag, nid yn unig y disgynnai'r Ysbryd ar y bobl, byddai'n byw ynddynt, ei bresenoldeb yn barhaol ac nid yn ysbeidiol, 'Ac fe ofynnaf finnau i'm Tad, ac fe rydd i chwi Eiriolwr arall i fod gyda chwi am byth' (Ioan 14:16).

Y mae Luc yn disgrifio disgyniad yr Ysbryd 'fel gwynt grymus yn rhuthro' (Act. 2:2) yn llenwi'r holl dŷ lle'r oeddent yn eistedd. Yn yr Hebraeg a'r Groeg, yr un gair yw ysbryd a gwynt; ni theimlwyd mo'r gwynt ond clywyd ei sŵn. Arwydd yw'r gwynt o bresenoldeb Duw yn ei Ysbryd. Ymrannodd yr Ysbryd ar y bobl 'ac eistedd un ar bob un ohonynt' (Act. 2:3). Ychydig cyn bedyddio Iesu yn afon lорddonen dywedodd Ioan am Iesu, 'Yr wyf fi yn eich bedyddio â dŵr ond y mae un cryfach na mi yn dod. Bydd ef yn eich bedyddio â'r Ysbryd Glân ac â thân' (Luc 3:16).

Ar y Pentecost cyflawnwyd proffwydoliaeth Joel, 'Ar ôl hyn tywalltaf fy ysbryd ar bawb; bydd eich meibion a'ch merched yn proffwydo, bydd eich hynafgwyr yn gweld breuddwydion, a'ch gŵyr ifainc yn cael gweledigaethau' (Joel 2:28).

Pentecost

Enw'r Testament Newydd ar Ŵyl yr Wythnosau neu Gŵyl y Cynhaeaf (Exodus 23:16). Yr oedd yn un o dair gŵyl pan ddisgwyliid i bob gwryw 'ymddangos o flaen yr Arglwydd' (Exodus 23:17). Ystyr pentecost yw 'hanner canfed', oherwydd cynhelir yr ŵyl hanner can niwrnod ar ôl Gŵyl y Blaenffrwyth. Ar y Pentecost, yr oedd dilynwyr Iesu wedi ymgasglu ynghyd, a llanwyd hwy oll â'r Ysbryd Glân.



Newidiodd ffrindiau Iesu ar ôl i'r Ysbryd Glân ddod. Wyt ti'n gweld pobl yn canu? Yn rhannu? Yn gweddio? Yn bwyta? Roedd ganddynt waith pwysig i wneud dros Iesu - i sôn wrth bawb amdano. Cawsant nerth gan yr Ysbryd Glân i rannu'r newyddion da am Iesu.

Diolch Dduw am ddanfôn yr Ysbryd Glân i helpu dy ffrindiau. Pŵs helpa ni i ddweud wrth bobl eraill am gariad Iesu. Amen.

Gwers 43 – Newyddion da Iesu



Yn gynnar un bore | Beibl Newydd y Plant tud. 221

(Actau 2:1–4)

Gwers 43

Newyddion da Iesu

BEIBL GWEITHGAREDD Y PLANT DAN /DROS 7 oed

Newyddion da am Iesu tud 180

BEIBL LLIW STORI DUW

Nerth yr Ysbryd Glân tud 278

BEIBL BACH STORI DUW

Duw'n anfon help tud 326

BEIBL NEWYDD Y STORIWR

Yr Ysbryd Glân tud 146

BEIBL LLIW Y PLANT

Tafodau o dân tud 284

BEIBL NEWYDD Y PLANT

Yn gynnar un bore tud 221

BEIBL BACH I BLANT

Yr Helpwr arbennig tud 246

Y BEIBL I BLANT MEWN 365 STORÏAU

Ysbryd Duw yn dod tud 384

BEIBL LLIW Y TEULU

Yr Ysbryd Glân yn dod tud 184

Amser Chwarae

Gêm chwythu

Os yw'n gyfleus, byddai'n braf mynd â'r plant y tu allan i chwarae gyda swigod, neu chwaraewch y gêm ganlynol:

Byddwch angen gwelltyn i bob plentyn a physgodyn papur. Anogwch y plant i chwythu tu ôl i'r pysgodyn er mwyn gwneud iddo symud. Gallwch gael ras os hoffech, gyda phawb yn chwythu'r pysgod o un lle i'r llall.

Amser Stori

Darllenwch yr hanes o Feibl Newydd y Plant.

Wedyn, defnyddiwch y rhigwm i ail adrodd yr hanes gyda'r plant.

Atgoffwch y plant fod Iesu wedi addo rhoi'r Ysbryd Glân i'w ffrindiau. Roedd yr Ysbryd Glân yn mynd i fyw gyda ffrindiau Iesu – er nad oeddent yn medru ei weld. Byddai'r Ysbryd Glân yn eu helpu i rannu'r neges am Iesu Grist gyda phawb yn y byd.

Gweddi

Bydd angen darn o bapur gyda'r geiriau, "Mae Iesu yn ein caru" arno wedi'i rollo fel sgrôl. Dangoswch a darllenwch y neges i'r plant ac esboniwch fod Iesu am i bawb glywed y neges bwysig hon.

Gwnewch gwrs rhwystr syml gan ddefnyddio cadeiriau, clustogau neu focsys mawr. Esboniwch wrth y plant eu bod yn gorfod cario'r neges o amgylch y rhwystrau ac yn ôl i'r person nesaf. Ar ôl cyrraedd y person nesaf dylent adrodd ar eich ôl, "Mae Iesu'n ein caru." Gorffennwch drwy weddio gyda'r plant yn diolch i Iesu am y neges rydym wedi'i chlywed, bod Iesu'n ein caru.

Cân

(I'r dôn Fréré Jacques)
Gnewch symudiadau syml i gyd—fynd â'r geiriau.

Help i siarad, help i siarad,
Am yr Iesu, am yr Iesu,
Daeth yr Ysbryd Glân, daeth yr Ysbryd Glân,
Helpwr Arbennig, Helpwr Arbennig

Help i garu, help i garu,
Caru eraill, caru eraill,
Daeth yr Ysbryd Glân, Daeth yr Ysbryd Glân,
Helpwr Arbennig, Helpwr Arbennig

Help i ddysgu, help i ddysgu,
Mwy am Dduw, mwy am Dduw,
Daeth yr Ysbryd Glân, daeth yr Ysbryd Glân,
Helpwr Arbennig, Helpwr Arbennig

Crefft

Llyfr Crefft t. 194–197

Rhigwm

Wwsh, wwsh, wwsh, dyma sŵn y gwynt,
Crac!, crac!, crac!, sŵn y fflamau coch.

Whoosh, whoosh, whoosh, mae'r gwynt yn chwythu
Crac!, crac!, crac!, fflamau sy'n cynhesu.

Whoosh, whoosh, whoosh, mae'r Ysbryd Glân yn dod,
Crac!, crac!, crac!, yr Helpwr Arbennig gan Iesu.

Adnoddau Ychwanegol

Crefft

Llyfr Crefftau Stori Duw i blant dan 5 oed t. 194–197

Gwerslyfrau Golau ar y Gair

Pentecost: Newyddion Da lawn

Taflenni gwefan amserbeibl.org

Cyfres A – Cristnogion Cynnar

Cyfres DVD Stori Duw

Stori 49: Newyddion Da lawn

Cyfres Powerpoints Beibl Bach i Blant

Stori 60: Yr Helpwr Arbennig

Cwis a Chwilair

Llyfr Cwis Cynta i Ateb tud 354

Llyfrau Stori

Tedi Twt: Y Diwrnod Gwyntog

